



Saksframlegg

Saksbehandlar: Thorbjørn Aarethun, Fylkesrådmannen, Hordaland
Saksbehandlar: Ole I. Gjerald, Fylkesrådmannen, Sogn og Fjordane
Sak nr.: 2015/1434-547

Saksgang

Utval	Saknr.	Møtedato
Fellesnemnda		

Fellesnemnda sin prosjekt- arbeidsplan

Fylkesrådmennene rår fellesnemnda til å gjere slikt vedtak:

1. Fellesnemnda godkjenner vedlagde prosjekt-/arbeidsplan for nemnda sitt arbeid.
2. Fellesnemnda føreset at fylkesrådmennene/prosjektleder rapporterer på framdrifta i vedlagde framdriftsplan, og at avvik vert varsla tidlegast råd.

[... Sett inn saksutredningen under denne linja ↓](#)

Vedlegg:

1. Prosjekt-/arbeidsplan for fellesnemnda (18.12.2017)
2. Intensjonsplanen for samanslåing av Sogn og Fjordane og Hordaland (17.01.2017).
3. Reglement for fellesnemnda, vedteke 27.10.2017, § 5.

SAKSFRAMSTILLING

2. Bakgrunn for saka

Bakgrunn for saka

Fellesnemnda får gjennom reglementet §5 i oppdrag å utarbeide ein prosjekt- og framdriftsplan for det førebuande arbeidet, inkl. eit budsjett for samanslåingsprosessen. Fellesnemnda sin prosjekt-/arbeidsplan vil vere eit sentralt, overordna styringsdokument i det omfattande omstillingsarbeidet som no startar i Sogn og Fjordane og Hordaland fylkeskommunar. Arbeidsplanen syner fellesnemnda sine samla oppgåver og delegerte fullmakter i arbeidet med å planleggje og gjennomføre samanslåing av dei to fylkeskommunane.

Oppgåver og delegerte fullmakter er nedfelte i reglementet for fellesnemnda, som vart vedteke av begge fylkestinga 27.10.17. Ytterlegare målsetjingar, fokusområde og oppgåver for fellesnemnda er fastlagde gjennom den vedtekte intensjonsplanen for samanslåinga.

Fylkesrådmennene si tilråding

Nemninga prosjektplan skapar ei forventning om at fellesnemnda gjennom dette dokumentet syner *korleis* og *når* ulike målsetjingar med arbeidet skal nåast. Ein prosjektplan skal beskrive framdrifta det vert lagt opp til, aktørane som er involverte i prosessen og ev. planlagde kostnader knytt til arbeidet som skal gjennomførast.

Ein slik arbeids-/prosjektplan bør generelt følgjast opp ofte, og skal slik sett vere eit «levande dokument» der fellesnemnda gjer tilpassingar fortløpande. Planen syner eit overordna budsjett og ei kortfatta vurdering av arbeidet/prosjektet sine usikkerheiter (m.a. risikovurdering knytt til framdrift og kostnader).

Fylkesrådmennene rår fellesnemnda til å godkjenne vedlagde prosjekt-/arbeidsplan for nemnda sitt arbeid. Fellesnemnda føreset at fylkesrådmennene/prosjektleiari rapporterer på framdrifta i vedlagde framdriftsplan (i prosjekt-/arbeidsplanen), og at avvik vert varsla tidlegast råd.